



08 APR, 2026

Rakam momen indah Aidilfitri berkonsep hutan Malaysia

Harian Metro, Malaysia



Rakam momen indah Aidilfitri berkonsep hutan Malaysia

Seremban: Ambil gambar raya, tetapi berlatarbelakangkan keindahan atau berkonsepkan hutan Malaysia. Itu cabaran pertandingan fotografi anjuran Jabatan Perhutanan Negeri Sembilan, kali ini.

Pengarahnya, Mohd Yussainy Md Yusop berkata, kelainan pertandingan ini adalah bersempena sambutan Hari Hutan Antarabangsa yang disambut pada 21 Mac setiap tahun yang juga sama dengan tarikh Aidilfitri tahun ini.

“Sempena sambutan Hari Hutan Antarabangsa 2026 yang diraikan bersama Aidilfitri tahun ini, orang ramai dijemput untuk menyertai pertandingan fotografi ini.

“Ia bertemakan Sambutan Aidilfitri bersama Hutan Malaysia. Serlahkan kreativiti masing-masing dengan merakam momen indah Aidilfitri berlatar belakangkan keindahan hutan Malaysia atau aktiviti menanam pokok, be-



MOHD Yussainy

rekreasi atau seumpamanya sambil berbusana Aidilfitri. Pertandingan ini adalah dengan kerjasama Tenaga Nasional Berhad (TNB) dan Yayasan Negeri Sembilan,” katanya.

Katanya, tempoh penyertaan adalah pada 20 Mac lalu hingga 11 April dengan penyertaan percuma dan terbuka kepada semua rakyat Malaysia, tidak terhad kepada penduduk Negeri Sembilan saja.

“Kategori yang dipertandingkan adalah kategori terbuka dan kategori

pelajar tingkatan enam serta mahasiswa anak Negeri Sembilan yang mana bagi kategori ini, 30 penyertaan terbaik akan menerima hadiah tajaan Yayasan Negeri Sembilan,” katanya.

Katanya, orang ramai dijemput untuk merayakan sambutan Hari Hutan Antarabangsa dengan kemeriahan Aidilfitri dengan cara berbeza pada tahun melalui kreativiti bergambar.

“Wajib memuat naik gambar di media sosial masing-masing dengan tanda pagar #HariHutanAntarabangsa2026 #TahunMelawatNegeriSembilan2026 dan #TNBBetterBrighter

“Jangan malu, jangan segan, ayuh serlahkan bakat dan kreativiti anda. Kongsikan karya terbaik anda dan jadilah sebahagian daripada sambutan ini. Hantar penyertaan di pautan <https://forms.gle/51dQbjBytLPSe-CcK7>,” katanya.